

Inunnut sakkutuujunngitsunut silaannakkut angallaneq pillugu  
aalajangersakkat

---

BL 3-31

## **Qulimiguulinnut mittarfiit nammineq toqqakkat pillugit aalajangersakkat**

**Saqqummiussaq 2, xx. maj 2025**

Inatsimmik allanngorneri ilanngullugit nalunaarutiginninneq nr. 118, 31. januar 2024-imeersoq malillugu § 52, imm. 2, aamma § 149, imm. 10 malillugit, aamma peqqussuteqarneq pillugu nalunaarut nr. 1171, 6. september 2023-imeersoq malillugu Silaannakkut angallanneq pillugu inatsisip Savalimmiunut atuutilernissaa pillugu peqqussummi § 52, imm. 2, aamma § 149, imm. 10, aamma Kalaallit Nunaannut Inatsimmik allanngorneri ilanngullugit nalunaarutiginninneq nr. 76, 24. januar 2024-imeersoq malillugu silaannakkut angallanneq pillugu inatsimmi § 52, imm. 2, aamma § 149, imm. 10 malillugit, Trafikstyrelsip suliasai pisinnaatitaaneralu, naammagittaalliorsinnaaneq aamma Trafikstyrelsip malittarisassaliaasa ilaannik tamanut nalunaarutiginnittarneq pillugit nalunaarummi nr. 34-imi, 15. januar 2023-imeersumi § 6, imm. 1-imi piginnaatitsissut malillugu aamma Savalimmiunut Trafikstyrelsip suliasai pisinnaatitaaneralu, naammagittaalliorsinnaaneq aamma Trafikstyrelsip silaannakkut angallannermut suliasaqarfik pillugu malittarisassaliaasa ilaannik tamanut nalunaarutiginnittarneq pillugit nalunaarummi nr. 1619-imi, 8. december 2023-imeersumi § 3, imm. 1 malillugu piginnaatitsissut malillugu aalajangersarneqarpoq:

### **1. Takussutissiat najoqqutaasut**

- 1.1.** BL 3-1, Tamanut VMC mittarfiit (silap pissusaa takuneqarsinnaasoq pillugu piumasaqaateqarfiusut) pilersinneqarneri pillugit aalajangersakkat, saqqummiussaq siulleq, 10. marts 1993-imeersoq.
- 1.2.** 1.2 BL 3-2, Tamanut IMC mittarfiit (silap pissusaata kingunerisaanik timmisartortartup pingaarnertut sakkuutit sumiissusersiutigalugit timmisinnaanissaannik piumasaqaateqarfiusut) pilersinneqarneri pillugit aalajangersakkat, saqqummiussat aappaat, 10. marts 1993-imeersoq.

- 1.3.** BL 3-5, Immami illuliani qulimiguulinnut mittarfiit pillugit aalajangersakkat, saqqummiussat sisamaat, 18. december 2006-imeersoq.
- 1.4.** BL 3-6, Timmisartut orsersorneqarnissaat, orsersuillutik sulisut/orsersuineramik sullissivik aamma orsersuinissamut illuliat pillugit aalajangersakkat, saqqummiussat pingajuat, 6. december 2010-meersoq.
- 1.5.** BL 3-7, Mittarfinnik namminerisamik pigisanik nalunaarutiginninneq, nalunaarsuineq aamma taamaatitsineq pillugit aalajangersakkat, saqqummersitaq 4., XX. maj 2025-imeersoq.
- 1.6.** BL 3-8, Qulimiguullit mittarfiinut pilersitsinermut, ingerlatsinermut aamma teknikkikkut piumasaqaatit, saqqummersitaq 3., XX. Maj 2025-imeersoq.
- 1.7.** BL 3-14, Utaqqiisaagallartumik qulimiguullit mittarfiisa ingerlanneqarnerinut aamma pilersinneqarnerinut aalajangersakkat, saqqummersitaq 1., XX. Maj 2025-imeersoq.
- 1.8.** BL 3-36, Immami tasermiluunniit timmisartut missinnaasut imaluunniit immakkut tatsikkulluunniit aallarsinnaasut il.il. pillugit mittarfiit pillugit aalajangersakkat, saqqummiussat aappaat, 18. april 1990-imeersoq.
- 1.9.** Takussutissiat imm. 1.1.-imiit 1.8 ilanngullugu taaneqartut, Retsinformationip internettikkut nittartagaani [www.retsinfo.dk-mi](http://www.retsinfo.dk-mi) aamma Trafikstyrelsip internettikkut nittartagaani [www.trafikstyrelsen.dk-mi](http://www.trafikstyrelsen.dk-mi) nassaarineqarsinnaapput

## **2. Atuuffia**

- 2.1.** Qallunaat suliaasaqarfianni qulimiguullit sullissinerannut BL manna atuuppoq.
- 2.2.** BL manna mittarfinni tamanut ammasuni aamma mittarfinni namminerisamik pigisani BL 3-5-imi aamma BL 3-7-imi ilaatinneqartuni qulimiguulinnik sullissinernut atuutinngilaq, matumani mittarfiit namminerisamik pigisat, inuussutissarsiuutigalugu silaannakkut assartuineranut kiisalu nunap ilaata silaannarmut qimerloorneqarnissaa siunertaralugu kaajallaalluni timmisartornernut atorineqartut ilanngullugit.

## **3. Isumasiuutit**

BL-imi matumani tulluuttut ima paasineqassapput:

1. ATS (Air Traffic Service): Silaannakkut angallassinermut sullissivinnut tulluuttunut ataatsimoorussamik taaguut: silaannakkut angallannermi nakkutilliivinnut, timmisartornermi paasissutissiisarfinnut, silaannakkut angallassinermut kiffartuussivinnut nalunaaruteqartarfinnut aamma AFIS-ip immikkoortortaqaarfiinut ataatsimoorussamik taaguut.
2. D-p nalinga: Qulimiguullip siullertut qulimiguulinnut mittarfinnik atuisussap pingaarnertut suluusaata sinaani saavaniit aquani suluusaata tunorliup tungaanut qulimiguullip tamakkerluni takissusaa.
3. Ajornartoornermi miffissaq naleqquttoq: sumiiffik ima annertussusilik aamma qanoq issusilik, suluusat nammineerlutik kaavinneranni inunnut pigisanulluunniit navianaataannngitsumik atorineqarsinnaalluni aamma

qulimiguulimmut annertunerusumik ajoqusiinissamut aarlerinaateqassanani. Nunaminertat tamanit atugassiat, biilnut inissiisarfii matoqqanngitsut, kiisalu aqquernit tamanit atugassiat aamma sumiiffiit angallaffiusut ajornartoornermi miffissatut naleqquttut isigineqartariaqanngillat.

4. Inuussutissarsiutigalugu silaannakkut assartuineq: Inuussutissarsiutigalugu silaannakkut assartuineq inunnik aamma/imaluunniit pigisanik assartuinerusq. Inuussutissarsiutigalugu silaannakkut assartuineq aalajangersimasumik pisartuusinnaavoq (aaqqissuuteriikkamik angallassinersinnaavoq) imaluunniit aalajangersimanngitsumik angallassinersinnaalluni (timmisartut taxatut atorlugit- aamma timmisartumik attartukkamik angallassinersinnaalluni).
5. FATO (*Final approach and take-off area*): Sumiiffik erseqqinnerusumik taaneqartoq, tassunga minnissamut inaarutaasumik mikkiartorneq suliarineqartarluni, aamma tassannga aallarnermut ingerlatsineq aallartinneqartarluni.
6. Mittarfik: Nunami imaluunniit tatsimi/imarmi sumiiffik aalajangersimasq, timmisartut minneranni, aallarneranni aamma ingerlanneqarneranni atorneqartussatut naatsorsuutigineqartoq (suliaqarfiit, illuutit, ikkussukkat, atortussat il.il. tassani ilaatinneqarlutik). Mittarfik namminerisamik pigineqarsinnaavoq imaluunniit pisortanit pigineqarsinnaalluni.
7. ICAO Aeronautical Chart – 1:500.000 Denmark: VFR atorlugu timmisartornermi (takuneqarsinnaasut malillugit timmisartornermi malittarisassat malillugit timmisartornermi) atorneqartussatut ICAO-p Danmarkimut nunap assilialiaa.
8. Silaannakkut angallassinermi sullissisoq: Inuk imaluunniit inatsisitigut pisinnaatitaasoq pisussaaitaasorlu, Air Operator Certificate-imik atuuttumik peqarluni inuussutissarsiutigalugu silaannakkut angallassinissamik suliaqarsinnaasoq.
9. Mittarfik pisortanit pigineqartoq: Mittarfik, tamat timmisartuunneqarnissaannut atorneqartussatut ammasoq.
10. Sullissineq: Silaannakkut angallammik aallarneq imaluunniit minneq.
11. Mittarfik namminerisamik pigineqartoq: Mittarfik, tamat timmisartuunneqarnissaannut atorneqartussatut ammanngitsq.
12. Nunap ilaata silaannarmit qimerloorneqarnissaa siunertaralugu kaajallaalluni timmisartorneq: Timmisartorneq, mittarfimmit tassannga aallartittoq miffiusorlu, aammalu tassani akiliisunik ilaasoqarfiusoq.
13. Qulimiguulinnut mittarfik nammineq toqqarneqarsimasq: Qulimiguulimmut aallartiffissatut miffissatullu sumiiffik siuningaani toqqarneqarsimasq.
14. TLOF: (*Tochdown and lift-off area*): Sumiiffik tassani qulimiguulik minnermini inissinneqarsinnaalluni, aamma qulimiguulik tassannga aallarniarluni tingisinnaalluni.
15. Sumiiffik imminnut qanittunik sanaartorfiusimasq: Sumiiffik pingaarnertut najugaqarfittut, suliffissuarnut, imaluunniit sunngiffimmi sammisaqarnernut atorneqartoq. Matumani sumiiffiit, ICAO Aeronautical Chart – 1:500.000

Denmark-imi "Built up Areas"-tut 200-it sinnerlugit inuttaqartut kiisalu aasarsiortarfittut, tammaarfittut, suliffeqarfissuartut- aamma umiarsualivittut paasinarsisinneqartut. Nunaminertat tamanit atorneqarsinnaasut, sissat imaluunniit sumiiffiit sunngiffimmi sukisaarsartarfiusut allat, sumiiffiup imminnut qanittumik sanaartorfiusimasup iluaniittut, ilaasut imaluunniit eqqannguaniittut, sumiiffittut imminnut qanittumik sanaartorfiusimasutut aamma isigineqarput.

16. VFR atorlugu timmisartorneq: Takuneqarsinnaasut malillugit timmissartornermut malittarisassanut naapertuuttumik timmisartorneq suliarineqarpoq.

#### **4. Nalunaarutiginninneq**

- 4.1.** Qulimiguullit atorlugit inuussutissarsiutigalugu silaannakkut assartuinnermut imaluunniit nunap ilaata silaannarmut qimerloorneqarnissaa siunertaralugu kaajallaalluni timmisartornermi aalajangersimanngitsumik angallassinissamut nammineq toqqakkamik qulimiguulinnut mittarfimmik atuinnissamik kissaateqartup, qulimiguulinnut mittarfimmut nammineq toqqakkamut timmisartorneq, timmisartornerup kingorna kingusinnerpaamik ullut sisamat qaangiunneranni, silaannarmik angallassinermik sullissisup Trafikstyrelsimut nalunaarutigissavaa.
- 4.2.** Nalunaarutiginninnermi nalunaarutiginninnermut immersugassaq, Trafikstyrelsip nittartagaani [www.trafikstyrelsen.dk](http://www.trafikstyrelsen.dk)-mi nassaarineqarsinnaasoq atorneqassaaq.
- 4.3.** Ajornartoornermi qulimiguulinnut mittarfiup nammineq toqqakkap atorneqarnerata nalunaarutigineqarnissaa piumasaqaataanngilaq.
- 4.4.** BL manna malillugu qulimiguulinnut mittarfimmik nammineq toqqaanermut atatillugu, taamaattoqassappat piginnittup akuersissutaata aamma avatangiisit-sumiiffiullu ineriartornissaanut pilersaarutit imaluunniit inatsisit attuumassuteqartut allat malillugit akuersissutit pisariaqartinneqartut pissarsiarineqarnissaat nalunaarutiginnittup nammineerluni akisussaaffigai.

#### **5. Aalajangersakkat ataatsimoorussat**

##### **5.1. Nalinginnaasumik**

- 5.1.1.** Qulimiguulinnut mittarfik nammineq toqqagaq, BL-imut matumunnga naapertuuttumik silaannakkut angallassinermik sullissisup atussavaa.
- 5.1.2.** Qulimiguulinnut mittarfik nammineq toqqagaq inuussutissarsiutigalugu silaannakkut angallassinermut atorneqaqqusaanngilaq.
- 5.1.3.** Qulimiguulinnut mittarfiit nammineq toqqakkat, nunap ilusai qulaallugit, assersuutigalugu illut qaavini, sanaat qaavini, immami illuliat qaavini assigisaannilu inissinneqassanngillat.
- 5.1.4.** Inuussutissarsiutigalugu silaannakkut angallassinernut aalajangersimasumik pisartuunngitsunut imaluunniit nunap ilaata silaannarmut qimerloorneqarnissaa

siunertaralugu kaajallaalluni timmisartornernut piffissami ullunik 30-inik sivissuseqartumi annerpaamik sullissinernut arfineq pingasunut, qulimiguulinnut mittarfik nammineq toqqagaq piviusoq, silaannakkut angallassinermik sullissisup atussavaa.

- 5.1.5.** Qulimiguulimmut mittarfiup nammineq toqqakkap qeqqanit 2 km-isut ungasitsigisumi sullissinerit (naleqqat nalunaarutigineqartut) qulimiguulimmut mittarfimmit nammineq toqqakkamit taassumangga sullissinertut isigineqassapput.
- 5.1.6.** Piumasaqaat imm. 5.1.5-imi taaneqartoq silaannakkut angallassinermik sullissisup qaangerpagu, BL 3-7 malillugu qulimiguulinnut mittarfik nammineq toqqagaq mittarfittut namminerisamik pigineqartutut nalunaarsorneqassaaq, imaluunniit qulimiguulinnut mittarfiugallartut pilersinneqarnerat ingerlanneqarnerallu pillugit BL 3-14-imi malittarisassat malillugit atorineqassalluni.
- 5.1.7.** Qulimiguulinnut mittarfimmit nammineq toqqakkamit sullissinerit ataatsimut amerlassusaasa imm. 5.1.5-imi piumasaqaatit qaangerpatigit, BL 3-7 malillugu qulimiguulinnut mittarfik nammineq toqqagaq namminerisamik pigisatut mittarfittut nalunaarsorneqassaaq, imaluunniit qulimiguulinnut utaqqiisaagallartumik mittarfiit pilersinneqarnerat ingerlanneqarnerallu pillugit BL 3-14-imi malittarisassat malillugit atorineqarneqassalluni.
- 5.1.8.** Tamanut mittarfimmit qulimiguulinnut mittarfik nammineq toqqagaq 5 km-erit sinnerlugit ungasitsigippat, timmisartorneq mittarfimmut tassunga pineqartumut silaannakkut angallassinermi sullissinermut immikkoortortamut (ATS-imut) ataqatigiissaarneqassaaq.

## **5.2. Inunnut, uumasunut, illuutinut il.il. ungasissutsit**

- 5.2.1.** Sullissineq suugaluartorluunniit allat inuunerannut pigisanulluunniit akornutaanngitsumik suliarineqassaaq.
- 5.2.2.** Mikkiartornerup- aallariartornerullu, allarnerup minnerullu nalaani imaluunniit taakkununga atatillugu ingerlanermi, qulimiguulik 25 meterinik qaninnerusumik inunnut, uumasunut nujuitsunut ivikkanik mangiartunut, illuutinut imaluunniit angallatinut qaninnerussanngilaq. Inuit pineqartut taamaaliorsinnaanermut akuersissutaat pissarsiarineqarsimappat, imaluunniit uumasunik, angallatinik illuutinillu piginnittoq taamaaliornissamut akuersissuteqarsimappat, tamanna taamaattoq atuutissanngilaq. Taamaattoqarpat qulimiguullip suluusaata diameterianut ungasissuseq appartinneqarsinnaavoq.

## **5.3. Alapernaarsuineq**

- 5.3.1.** Akornutissat, ajunaartoornermi miffiusinnaasut il.il. eqqarsaatigalugit, mikkiartornermut- aamma aallariartornermut aqqutissat aalajangerneqarnissaat siunertaralugu, sullissinerit suugaluartulluunniit sioqqullugit, sumiiffik silaannakkut alapernaarsuiffigineqassaaq. Ajornartoornermi miffissat ima angissuseqassapput qanoq issuseqarlutillu, taamaallutik taakku atorineqassagunik, inuit allat inuuneri aamma/imaluunniit pigisaat navianartorsiortinneqassanatik.
- 5.3.2.** Qulimiguulinnut mittarfik nammineq toqqagaq imminnut qanittunik sanaartorfiusimasup iluaniippat, silaannakkut angallassinermik sullissisup nunami pisariaqartinneqartumik alapernaarsuinerup suliarineqarnissaa qulakkiissavaa.

#### **5.4. Nalunaaqutsersuineq**

Sumiiffik siulianili toqqarneqarsimappat ilisimaneqarpallu, sumiiffik utaqqiisaagallartumik nalunaaqutsersorneqassaaq, assersuutigalugu suluunnanik nalunaaqutsersorneqassalluni. Taamaaliortoqarpat nalunaaqutsersuineq atorneqartoq ima issuseqassaaq aamma taamaalilluni aalajangersarneqassalluni, taanna timmisartornermut imaluunniit allat inuunerannut aamma/imaluunniit pigisaannut navianartorsiortitsissanani.

#### **5.5. Orsersorneq**

**5.5.1.** Qulimiguulinnut mittarfimmi nammineq toqqakkami qulimiguulimmik orsersuisoqassappat, BL 3-6-imi sullissinissat pillugit aalajangersakkani immikkoortoq 11-imi aalajangersakkanut naapertuuttunik nappartamit timmisartut orsussaannik orsersuineq, Timmisartut, orsersuinermi sulisut/orsersuinerмик sullissisut aamma tankeqarfiit pillugit aalajangersakkat malillugit ingerlanneqassaaq.

### **6. Inuussutissarsiutigalugu silaannakkut assartuinermit aamma nunap ilaata silaannarmut qimerloorneqarnissaa siunertaralugu kaajallaalluni timmisartornermut immikkut ittumik aalajangersakkat**

**6.1.** Taanna inuussutissarsiutigalugu silaannakkut assartuinermit aalajangersimanngitsumik pisartunut aamma nunap ilaata silaannarmut qimerloorneqarnissaa siunertaralugu kaajallaalluni timmisartornermut atorneqassappat, qulimiguulinnut mittarfiit nammineq toqqakkat atorneqarneranni immikkoortoq 5-imi piumasaqaatit saniatigut immikkoortumi matumani piumasaqaatit naammassineqarsimassapput.

#### **6.2. Mittarfik**

##### **6.2.1. Aallartarfik- mittarfillu**

Aallartarfik- mittarfillu minnerpaamik tulluuttunik annertussuseqassaaq: 1,5 D x D. Sumiiffimmi tassani akornutaasinnaasunik peqassanngilaq. Qaava ajornartoornermi miffissatut naleqquttuussaaq aamma ima issuseqassalluni, pequtit pitussimanngitsut isumannaatsumik timmisartornermi navianartorsiortitsisinnaanatik.

##### **6.2.2. Inissiivik**

Aallartarfiup- aamma mittarfiup iluani sumiiffeqassaaq, inissiivimmik, taassumalu qulimiguullip oqimaassusaa artussanngilaa. Sumiiffik taanna minnerpaamik tulluuttunik annertussuseqassaaq: 2 B x 2 B, tassani B tassaalluni assakaasut imminnut ungasissusaat imaluunniit qulimiguullip atorneqartup perlaavisa akornanni ungasissuseq.

##### **6.2.3. Sillimaniarnikkut killissarititat**

**6.2.4.** Aallartarfiup- mittarfiullu avataani sillimaniarnikkut killissarititamik peqassaaq, taannalu aallartarfiup- mittarfiullu sinaanit minnerpaamik 10 meterinik isorartussuseqassaaq. Sillimaniarnikkut killissarititat iluanni akorngutit

suogaluartulluunniit 1 m-imit portunerussanngillat. Qaava ajornartoornermi miffissatut naleqquttuussaaq.

### **6.3. Mikkiartorneq- aallariartornerlu**

**6.3.1.** Mikkiartorneq- aallariartornerlu sumiiffinni immikkuullarissuni pissaaq, taakkulu ajornanngippat taama tulleriillutik, aallartarfiup mittarfiullu sammiviinut uiggiutaassapput. Sumiiffiit immikkuullarissut minnerpaamik D plus 20 meterinik silissuseqassapput. Sumiiffiit immikkuullarissut sillimaniarnikkut killissarititat sinaannit, aamma nunap qaani, taama tulleriillutik, mikkiartornermi aallariartornermilu pilersaarutit aamma timminermi portussutsip minnerpaaffissaata imminnut aqqusaarnerisa napparissumik ersersinneranut takissuseqassapput. Sumiiffiit immikkuullarissut silissusertik tamaat akornutissartaqassanngillat aamma taama tulleriillutik, mikkiartornermi aallariartornermilu pilersaarutinit naatsorsorneqartumik napparissumik minnerpaamik 35 fod-iusumik ungasissuseqassallutik.

**6.3.2.** Qulimiguulik maskiiminamik unittoornikoq sumiissutsini immikkuullarissuni akornutit suogaluartulluunniit qaffasissutsimi 35 fod-iusumi qaangersinnaanngippagit, mikkiartorneq aallariartornerlu ima suliarineqassaaq, ajornartoornermi minneq ajornartoornermi miffissatut sumiiffimmi naleqquttumi qaqugukkulluunniit naammassineqarsinnaalluni.

**6.3.2.1.** Ajornartoornermi miffissatut naleqquttutut sumiiffik ima paasineqassaaq, ima takissuseqassalluni qanoq issuseqassallunilu, pisuni automatiskiusumik kaavittuliornermi taanna inunnut pigisanulluunniit navianartorsiortitsinngitsumik atorneqarsinnaassalluni aamma qulimiguullip annertuumik ajoquserneqarnissaanut aarlerinartorsiortitsissanani. Tamanut nunaminertat kikkunnilluunniit atorneqarsinnaasut, biilnut inissiisarfii, assersugaanngitsut, kiisalu aqquserngit tamanut atortut aamma sumiiffiit angallaffiusut assigisaat, ajornartoornermi miffissatut naleqquttutut sumiiffittut isigineqartariaqanngillat.

**6.3.3.** Qulimiguullit, qulimiguullip suussusaanut Helicopter Operating Manual malillugu ingerlasinnaanngitsumik motooreqarunik qangattarsinnaanngitsut, pitsaanerpaamik qaffakkiartornermut sukkassuseq (best rate of climb, Vy) sukkassuseralugu qaffasissuseq 300 fod-iusup anguneqarnissaa tikillugu, aallartarfiup sammiviani siumut sammisumik ajornartoornermi mitsinneqarsinnaassapput. Qulimiguullit, qulimiguullip suussusaanut Helicopter Operating Manual malillugu ingerlasinnaanngitsumik mootoreqarlutik qaffassinnaasut, piffissamut, tassani qulimiguulik mootorimini ajoquteqartillugu aallartinermik ingerlatsiinnarsinnaalluni, aallartarfiup sammiviani siumut sammisumik ajornartoornermi mitsinneqarsinnaassaaq.

### **6.4. Ungalulersuineq**

Sumiiffik siulianili toqqarneqarsimappat ilisimaneqarpallu, iliuutsit imaattut aalajangersarneqarsimassapput, sumiiffik sillimaniarnikkut killissarititat silammut samminerinut killiliussat iluini susassaqqanngitsut uninngannginnissaat angalaannginnissaallu qulakkeerneqarsimassalluni.

### **6.5. Qatserinermut atortussat**

**6.5.1.** Sumiiffimmi qajuusaasat qatserutit erseqqissumik nalunaaqutsikkat minnerpaamik 12 kg-lunik imaqqortussusillit nassaassaassapput imalu inissinneqassallutik, ikuallattoqalissagaluarpasut sukkasuumik atorreqarsinnaallutik.

## **6.6. Karsi ikiueqqaarnermi atugassaq**

**6.6.1.** Qulimiguulinnut mittarfimmi nammineq toqqakkami imaluunniit taassuma eqqarpiannuani karsi ikiueqqaarnermi atugassaq erseqqissumik nalunaaqutsigaq sumiiffimmi tikikkuminartumi inissinnikoq nassaassaassaaq.

## **7. VFR-atorlugu Unnuakkut timmisartornermi immikkut ittumik malittarisassat**

**7.1** VFR- atorlugu Unnuakkut timmisartornermi qulimiguulinnut mittarfik qaammaqqusersorneqarsimassaaq. Qaammaqqusersuutit sammivinnut tamanut assigiimmik qinngorneqassapput aamma aalajangersimasumik qalipaasut qorsuk takutissallugu, aamma qaammaqqusersuinerup taamaattup imaluunniit taakkunanga akisunnerit qulimiguulinnut mittarfimmut mittarfimmillu angallannernut akornutaannginnissaat qulakkeerneqassaaq.

Qullernut armaturit (kaajallaallugu qullilersuinerit/perimeterlys) qaffatat atorreqarneranni, taakku aallartarfiup- mittarfiullu sinaani inissinneqassapput aamma atorussanit oqitsunit sanaajussallutik aamma nutinnissamut koblinneqassallutik. Qullernut armaturit qulimiguulinnut mittarfiup nammineq toqqakkap qaavata qulaani 25 cm.-inik tannerusumik takissuseqassanngillat, aamma sungaartumik orangemilluunniit qalipaateqassallutik.

Qullernut armaturit qaarisamit appartitat atorreqarneranni taakku ima naammatsigisumik manngertigissapput qulimiguullit suussusaannit oqimaannerpaanit, qulimiguulinnut mittarfimmik nammineq toqqakkamik atuisumit artorsartinneqarnerminnit aserorneqassanatik.

## **8. Nunap ilaata silaannarmut qimerloorneqarnissaa siunertaralugu kaajallaalluni timmisartorneq pillugu immikkut malittarisassat**

**8.1.1.** Nunap ilaata silaannarmut qimerloorneqarnissaa siunertaralugu kaajallaalluni timmisartornermut atatillugu, qulimiguulinnut mittarfik nammineq toqqagaq imminnut qanittunik sanaartorfiusimasup eqqaani 150 meterinit qaninnerusumik inissinneqassanngilaq, matumani aasarsiortarfiit tammaarfiillu inigineqartut ilanngullugit.

**8.1.2.** Tamanut aqqissuussinermi qulimiguullit atorlugit nunap ilaata silaannarmut qimerloorneqarnissaa siunertaralugu kaajallaalluni timmisartorneq ilaatinneqartillugu, assersuutigalugu timersornermik aqqissuussinerni, illoqarfiup nalliuttorsiornerani assigisaaniluunniit, imminnut qanittumik sanaartorfiusimasumut ungasissuseq, matumani aasarsiortarfiit aamma tammaarfiit inigineqartut ilanngullugit, taamaattoq 50 meterimut appartinneqarsinnaavoq.

## **9. Immikkut ittumik akuersissuteqarneq**



Aalajangersakkanut pineqartunut mianerisassanut tamanna naleqquttuutillugu, matumani suliassa qarfimmi nunat tamat malittarisassa ilanngullugit, pisuni immikkut ittuni BL-imit matuminnga aalajangersakkat malinneqannginnissaat pillugit Trafikstyrelsi immikkut ittumik akuersissuteqarsinnaavoq.

## **10. Naammagittaalliuteqarsinnaaneq**

BL manna malillugu Trafikstyrelsi aalajangiineri Transportministere qarfimmut imaluunniit Trafikstyrelsi suliassai pisinnaatitaaneralu, naammagittaalliorsinnaaneq aamma Trafikstyrelsi malittarisassaliaasa ilaannik tamanut nalunaarutiginnittarneq pillugit nalunaarutaa malillugu allaffissornikkut oqartussaasumut allamut saqqummiunneqarsinnaanngillat.

## **11. Pillaatissiineq pillugu aalajangersagaq**

- 11.1.** Silaannakkut angallanneq pillugu inatsimmi § 149, imm. 8 malillugu, imm. 5.1.5.-imik, 5.2.-mi, 5.3.-mi aamma 6.3-mi aalajangersakkanik unioqqutitsineq akiliisitsissummik imaluunniit ukiut 2 tikillugit paarnaarusaanermik pillaatissiissutigineqassaaq.
- 11.2.** Silaannakkut angallanneq pillugu inatsimmi § 149, imm. 10 malillugu 5.1.2.-mi, 5.3.2.-imi, 5.4.-mi, 6.2.-imi, 6.4.-mi, immikkoortoq 7-imi aamma immikkoortoq 8.1-imi aalajangersakkanik unioqqutitsineq akiliisitsissummik imaluunniit qaammatit 4 tikillugit paarnaarusaanermik pillaatissiissutigineqassaaq.
- 11.3.** Silaannakkut angallanneq pillugu inatsimmi § 149, imm. 14 malillugu, ingerlatseqatigiiffiit il.il. (inatsisitigut pisinnaatitaasut pisussaataasullu) pillaasarnermik inatsimmi kapitali 5-imi malittarisassat malillugit pillaatissinneqarnissamik akisussaatinneqarsinnaapput.

## **12. Atuutilerfissaa ikaarsaariarnermilu aalajangersakkat**

- 12.1.** BL manna ulloq 1. juli 2025 atuutilissaaq.
- 12.2.** BL 3-31, Qulimiguulinnut mittarfiit mammineq toqqakkat pillugit aalajangersakkat pillugit saqqummiussaq siullesq 1. juli 1987-imeersoq atorunnaarsinneqassaaq.
- 12.3.** BL 3-31, saqqummiussaq siullesq malillugu immikkut ittumik akuersissuteqarnerit 1. juli 2025 sioqqullugu atulersinneqartut ulloq 1. juli 2025 atuukkunnaassapput. Ullup taassuma kingorna immikkut akuersissutit kissaatigineqartut qinnuteqaatigineqassapput.

*Trafikstyrelsi, ulloq xx. maj 2025*

*Nanna Møller*

MISSINGGLUT

# Ilanngussaq 1

Qulimiguulinnut mittarfik pillugu ilusilersuinnarlugu titartagaq

